

AGENDRE MIGU FAMAKAO YESU

MINGGU, 01 Maret 2026

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

- Fangowai :
SA : Ya'ami banua niha Keriso ni'omasi'ö Zo'aya ya'ita Yesu Keriso. No tarugi migu Wanörö tödö Famakao Yesu ma'ökhö, ma'owai ami: Ya'ahowu !
SATO : Ya'ahowu !
SA : Ya faofao khömi Lowalangi...
SATO : Ya fao Khöu Geheha-Nia
Fogaoni :
SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 29**

29. MASUNOSUNO NDRA' UGÖ 1

do = g 4/4

MM = 96 - 104

1. Masunosuno Ndra' ugö Lowalangi Yehowa.
Somuso tödö ndra' aga me no khö-U wa' aurima.
Horö ba fangiwa dödö, fama kao no oi taya.
Me haga soroi Ndra' ugö gumbu wangorifima.
2. No Öbè wangefa horö no Öbè howuhowu.
Umbu nidanö aurifa fa' omasi sindruhu.
Samalua fa' omasi Öbali' ö tana khö-U.
Ya möi dumaduma khöma wa' omasi nibe' e-U.

2. FANGA'ARO'Ö WA'OWULO (VOTUM)

- SA : Da tahonogö dödöda ba wariawösa, ba ba wa hasambua khö Lowalangi, (Muzizio zato):
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

- SATO : YADUHU
SA : Törö tödö-U wa'ahakhö dödö-U andrö, Ya'ugö Yehowa, ba fa'ebua dödö-U andrö moroi ba zi lö böröta sa Ia. Böi be'e aila ndra'o, böi tehe khö zifatiu tödö khögu, la'igi'igi'ö ndra'odo ! HALELUYA.....

- SA : **Manunö : BZ. : 452**

HALELUYA...HALELUYA...HALELUYA.....

- SA : Mangandrö ita :
He Yehowa Lowalangi, Ama sahakhö tödö ba sebua fa'omasi, si no umbu howuhowu ba fa'auri. Itörö tödöma wamakao Zo'aya ya'aga Yesu Keriso, No Ölulu nono-U omasiö ba danga zokhö horö: te'o'aya, tefakao, teforöfa ba mate börö horöma. Fahaö ndra'aga, fa'aboto ba dödöma ngawalö horö si no mafalua. Abölö'ö ndra'aga wolawa fa'abölö nösi, ena'ö mo'ahonoa ndra'aga ba wamalua somasi Nama, ba khö Zo'aya ya'aga Yesu Keriso ba ba Geheha Ni'amoni'ö, Yaduhu. **(Mudadao zato)**

3. MANUNÖ moroi ba Mbuku Zinunö Numero 213

213. YESU, HA' ÖKHÖ U' ANDRÖ 1

do = g 4/4

MM = 88 - 96

1. Yesu, ha' ökhö u ' andrö wangefa ' ö horögu.
Me lö usöndra ba mbö' ö, zamolala tödögu.
Si lö fulitö tehuku, na lö Öhakhösi tödö-U,
He Yesu, orifido.
2. No tenga sa sinangea, ndra' odo föna-U, Yesu.
No usawö, no ulaŵa, goroisa ma' afefu.
Ba gamuatagu andrö, no u' o' aya göi döi-Mö,
he Yesu, orifido.

4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura **II Moze 20:1-17**

1. Ba iwa'ö daroma li andrö fefu Yehowa, imane:
2. Ya'odo Yehowa Lowalangu, si no mangeheta ya'ugö ba danö Miserayi andrö, ba zi no möi sawuyu ami.
3. Böi so khömmö Lowalangi tánö bö'ö, baero ndra'o.
4. Böi fazökhi khöu nadu, ba he famaedo hadia ia, he si so si yawa ba mbanua, ba he si so si tou ba guli danö, ba he si so ba nidanö, barö danö.
5. Böi angalulu khönia ba böi fosumange ia, me no Lowalangi solohu ndra'o, ya'odo andre, Yehowa, Lowalangu, sanguhuku horö ndra ama ba ndraono ba ba ma'uwu mitou, khöra si fatiu tödö khögu,
6. ba si hakhösi tödö sangomasi'ö ya'o ba solo'ö oroisagu; irugi hönö nga'ötö.
7. Böi tötöi döi Lowalangu Yehowa ba waya; lö'ö sa zi lö ihuku Yehowa zanötöi töinia ba waya.
8. Ame'egö tödö luu wolombase andrö, ba we'amoni'ö ya'ia.
9. Öñö ngaluo mohalöwö ndra'ugö ba öhalö halöwöu fefu.
10. Ba ero fitu bongi, ba luu wolombase khö Lowalangu Yehowa; böi babaya hadia ia halöwö ba da'ö, he ya'ugö, ba he onou matua, ba he onou alawe, ba he sangai halöwö khöu ira matua ba he sangai halöwö khöu ira alawe, ba he uriföu, ba he si fatewu khöu ba mbanuami bakha.
11. Öñö ngaluo sa mege khö Yehowa, ba wamazökhi banua si yaw~a, awö danö, awö nasi, awö nösira fefu; ba ba luu si fitu, ba no molombase ia. Andrö wa no ifahawu'ö luu si fitu andrö Yehowa, ba no i'amoni'ö.
12. Fosumange namau, awö ninau, ena'ö anau nosou ba danö, nibe'e Lowalangu Yehowa khöu.
13. Böi ange'e.
14. Böi ohorö.
15. Böi anagö.
16. Böi böbögö khö nawöu zi lö duhu.
17. Böi isö nomo nawöu. Böi isö wo'omo nawöu ba he sangai halöw~ö khönia ira matua, ba he sangai halöwö khönia ira alawe, ba he öröbaonia, ba he kudonia, ba he hadia ia, fefu, nibayabaya nawöu.

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

do = g, 4/4

MM = 96 - 104

1. Misunosuno Zo 'aya, mi bè zumange-Nia.
Mi 'ebua ' ö döi-Nia, sotöi banua-Nia.
Me no Ikaoni göi ami, afu mitemawa'au ri, khö Yesu, Sangorifi.

5. FANGANDRÖ FANGEFA HORÖ

SA : Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Ama, Lowalangima sebua fa'omasi. Masuno ba ma'angaröfili Ndra'ugö Yehowa. Möiga ma'ondrasi Ndra'ugö ba nahia ni'amonio, ya'aga niha si no ra'io. Mafaduhu'ö wa tenga si nangea ndra'aga tanö föna-Mö, me no fahöna horö si no mafalua, he ba wehedema, era'era dödöma, awö gamuatama si lö faudu ba daroma Li-Mö. No ambö ndra'aga ba wangomasi'ö Ya'ugö soroi dödö. Asese olifu ndra'aga wangandrö saohagölö ba howuhowu-Mö si no matema, ba no arörö ndra'aga ba gisö'isö dödö ba guli danö andre. Si tekiko ndra'aga ba horöma. Andrö ha fa'ahakhö dödö Nama ni'andröma. Bologö dödö-U khöma ba be'e aefa khöma horöma.....

SATO : Mangandrö ba dödö zamösana föna Lowalangi.....1 irugi 2 meniti.

SA : Hakhösi dödö-U khöma Ama, ba be'e aefa khöma horöma andrö ma'afefu...Yaduhu.

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

SA : **Turia Wangefa horö** : "Si manö sa wa'omasi Lowalangi nösi gulidanö, no Ibe'e Nono-Nia andrö, si ha sambua, ena'ö lö tekiko dozi samati khö-Nia, ena'ö so khöra wa'auri si lö aetu. LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

do = d 4/4

MM = 74 – 84

1. Ba fa 'a tulö ba gulidanö ba niha ni'omasi 'ö andrö

(mudadao zato)

6. FOMBASO TAROMA LI LOWALANGI FÖNA HUHÜO (AB)

: Da tafondrondrongo daroma Li Lowalangi, tehalö moroi ba zura **I Yohane 4:16-21**

16. Ba no aboto ba dödöda wa'omasi Lowalangi ita, ba no faduhu dödöda ba da'ö. Lowalangi, ba no fa'omasi, ba lö tebulö ba khö Lowalangi zi lö tebulö ba wa'omasi andrö, ba lö tebulö Lowalangi ba dödönia.
17. Ba da'ö mo'ahonoa wa'omasi andrö khöda, fa lö ata'u ita, na luu wanguhuku andrö, me no si mane ya'ia göi ita, ba guli danö andre.
18. Lö fa'ata'u ba wa'omasi andrö, ifofanö sa wa'ata'u fa'omasi si no mo'ahonoa, me no fa'afökhö wa'ata'u; ba sata'u ba lö mo'ahonoa na ba wa'omasi.
19. Ta'omasi'ö ia, me no oföna i'omasi'ö ita.
20. 0 Na so zanguma'ö: Omasido Lowalangi, ba na fatiu dödönia ba dalifusönia, ba sofaya ia; Si lö mangomasi'ö talifusönia sa, ni'ila hörönia, ba tebai omasi ia Lowalangi, si lö i'ila hörönia.
21. Ba da'ö goröisa, nibe'enia khöda, ena'ö i'omasi'ö göi dalifusönia sangomasi'ö Lowalangi.

Ya'ahowu zamondrongo taroma li Lowalangi ba same'e ba dödö.

SA+SATO : Yaduhu

8. FASÖMBATA

SA : Iada’e tebe’e khöda ginötö ba wolohe fasömbata si sambua ni’ofulu khö Lowalangi. Nidönia’ö Pendeta Pengkhotbah.

SA : Iada’e tebe’e khöda ginötö ba wolohe fasömbata khö Lowalangi. Ta’osamuzaigö wame’e, he fasömbata si föföna, ba simanö göi zi mendrua awö zi medölu, sifao fangowulo fasömbata sanandrösa ba pembangunan Rumah Dinas Pendeta Resort. Ba si föföna ua da tafondrondrongo Li Lowalangi me imane:

❖ Ba da’ö niwa’ögu: Na so zangatalisi tanömmö, ba lö oya’oya ibasi, ba na so zi lö alimagö tanömmö, ba oya göi ibasi dania. Ba balazi döddö zamösana; böi abu döddö, ba tenga niforege; si no aoha gölö fame’e, da’ö sa zomasi Lowalangi. (II Kor.9:6-7).

Tafa’ema wasömbata khö Lowalangi, manunö ita moroi ba Mbuku Zinunö **Numero 351**

351. TA’ ANDRÖ SAOHAGÖLÖ KHÖ ZOKHÖ 1

do = d, 4/4
MM = 96 – 104

- 1. Ta’ andrö saohagölö khö Zokhö, samè tanö satabö sinanö.
Daso, he hili, he bawadanö, asi sebolu sawakhö dodo.
Da’ ö sa fefu, oi howuhowu, ni ’ a ’ asogö Yehowa Sokhö.
Da ’ ö sa fefu, oi howu– howu, ni’ a ’ aso gö Yehowa Sokhö.
- 2. Sökhi sibai ba zihulöwongi, na tohare luo sohagaini.
Fefu ngawalö wofo oi moli, manö göi mbunga lalau manari.
Reff. Da’ ö sa fefu, oi howuhowu,
- 3. Hiza ndrui u si tumbu ba danö, me tohare haga nibè Zokhö.
Ba oi takile adöni döddö, me lö famaedo niwöwöi Zokhö.
Reff. Da’ ö sa fefu, oi howuhowu,

SA :

Na no awai la’owuloi/lafa’ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la’o’ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA’E ZUMANGE 1

do = d 4/4
MM = 62 – 68

Ira’alawe

- 1. Ya ’ e zu-ma-nge fa-sömbata, ma ’ o-he sumange Yehowa.
Iramatua
Reff
Ma’andrö khö-U fa-ho-wu’ö zu-mange ni ’o- hema khö-Mö
- 2. Ya’e zumange fasömbata mabe’e soroi ba döddöma.
Reff : Ma’andrö khö-U
- 3. Ya’e zumange fasömbata buala si’otarai Nama.
Reff : Ma’andrö khö-U
- 4. Ya’e zumange fasömbata, boto, noso, ba fa’aurima
Reff : Ma’andrö khö-U
- 5. Ya’e zumange fasömbata, lö irugi zomasi döddö-U.
Reff : Ma’andrö khö-U
- 6. Ya’e zumange fasömbata, ma’aohasi gölö Zo’aya.
Reff : Ma’andrö khö-U

FANGANDRÖ : (*Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö*) **Mudadao Zato**

9. KOOR/VOKAL GROUP

SA : Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group
a. Koor Jemaat
b. Kegiatan Komisi Perempuan
c. Kegiatan Sektor 2
d.
e.

10. MANUNÖ

SA : Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

do = a, 4/4

MM = 76 – 82

- Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo 'ö.

11. HUHUA SEBUA

SH : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
a. Fombaso taroma Li Lowalangi *Yohane / Yohanes 3:1-17 (Tuho ;Ebua Wa'omasi Lowalangi ba Gulidanö / Kasih Allah Besar Akan Dunia Ini.)*
b. Fanuriaigö
c. Nitano ba dödö. *Yohane / Yohanes 3:16 (Si manö sa wa'omasi Lowalangi nösi gulidanö, no ibe'e nono-Nia andrö si ha sambua, ena'ö lö tekiko dozi samati khö-Nia, ena'ö so khöra wa'auri si lö aetu. /Karena begitu besar kasih Allah akan dunia ini, sehingga Ia telah mengaruniakan anak-Nya yang tunggal, supaya setiap orang yang percaya kepada-Nya tidak binasa, melainkan beroleh hidup yang kekal.)*
d. Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU ²

do = es 4/4

MM = 96 - 104

- No mafondrondrongo li-U, Lowalangi So 'aya. Tanö ba dödöma ia, fa böi olifuga. Fahowu 'ö ia khöma, ena 'ö ohahau dödöma fefu. Heta ba dödö zi lö sökhi, ma'o 'ö niwa 'ö-U.

12. TUHO WAMATI

SA : Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

SA+SATO : ❖ Ya'o mamati khö Lowalangi Ama si lö ambö fa'abölö, somböi banua si

yawa awö danö.

- ❖ Ya'ö mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
- ❖ Ya'ö mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

13. ANGOMBAKHATA BA MBANUA NIHA KERISO

SA : Da tafondrondrongo gangombakhata:.....

MANUNÖ

SA : Manunö ita moroi ba Mbuku Zinunö **numero: 463 ayati 1-2**

463. HARE FONDREGE ZI SÖKHI

do = bes 4/4

MM = 96 - 104

1. Fa ' omasi Lowalangi, no fondrege zebua böli.
Ifatenge Zangöhöli, ba wangorifi samati.
Hare fondrege zi sökhi, röfa Yesu tatöngöni.
Da ' ö zinema zamati, nibè Lowalangi.
2. Tefangelama zamati, so gafökha si lö sökhi.
Afunia tefabali, faröi niha ba wamati.
Reff: Hare fondrege zi sökhi,

14. FANGANDRÖ SALAHI + FAMATENGGE + HOWUHOWU

SH : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatörö banua-U, ba sokhö fa'abölö, awö lakhömi, irugi zi lö aetu. Yaduhu

SH : FAMATENGGE + HOWUHOWU :
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero 463 ayati 3

463. HARE FONDREGE ZI SÖKHI

do = bes 4/4

MM = 96 - 104

3. So gafökha sondrönisi, samè lakhö fangalani.
Ifaelungu, i' u' uni, ifesu zambö famati.
Reff: Hare fondrege zi sökhi,

SH : YA'AHOWU

SATO : YA'AHOWU